



Ալեքսանդր Ծատուրյան

Էլեգիա

Դալար հովտում երգեց սոխակ,
Երգն էր անուշ ու գողտրիկ,
Եվ հիշեցրեց նա ինձ մի կյանք,
Անցած մի կյանք երջանիկ:

Ես հիշեցի սիրո գարուն
Եվ հրրապույր խանդավառ,
Սիրող կուսի պատկեր սիրուն,
Հայացք անմեղ ու պայծառ:

Ես հիշեցի քաղցրիկ ժամեր
Սիրաբորբոք վայելքի.
Այրող ժըպիտ ու համբույրներ
Ջերմ, կուսական շրթունքի:

Ես հիշեցի կախարդական
Շա՛տ գիշերներ, շա՛տ օրեր...
Սիրող սրբտին նվիրական
Շատ ցրնորքներ ու հույսեր...

Դալար հովտում երգեց սոխակ
Երգն էր անուշ ու գողտրիկ.
Եվ հիշեցրեց նա ինձ մի կյանք,

Անցած մի կյանք երջանիկ:

1890, 11 մայիսի